

PLAN

o preventivnim mjerama i operativnom djelovanju radi zaštite od požara za vrijeme požarne sezone u 2021. godini na području općine Odžak

I. UVOD

Plan o preventivnim mjerama i operativnom djelovanju radi zaštite od požara za vrijeme požarne sezone u 2021. godini na području općine Odžak izrađen je u skladu sa Uredbom o sadržaju i načinu izrade planova zaštite i spašavanja od prirodnih i drugih nesreća i planova zaštite od požara ("Službene novine Federacije BiH", broj 08/11), Zakonom o zaštiti od požara i vatrogastvu ("Službene novine Federacije BiH", broj 64/09), a kao temeljni dokument na osnovu kojeg je izrađen ovaj Plan je Procjena ugroženosti od požara općine Odžak.

II. OSNOVNI PODACI O OPĆINI ODŽAK (geografski položaj, karakteristike reljefa, šume i dr.)

Općina Odžak geografski je smještena na sjeveru Bosne i Hercegovine gdje sa rijekom Savom graniči 30-tak km, na istoku rijekom Bosnom sa općinama Bosanski Šamac i Modriča RS u duljini preko 15 km, na jugu sa općinom Vukosavlje i na zapadu općina Bosanski Brod. Na prostoru općine Odžak preko 80 % prevladava ravničarski dio i ostatak brdskog dijela. Zbog gustoće naseljenosti požarno najopterećenije je gradsko područje Odžaka gdje je i najveća koncentracija privrednih, industrijskih i poslovnih objekata. Ostali dio općine ništa manje nije opterećen zbog poljoprivredno orijentirane proizvodnje. Domaćinstva u svojim ekonomskim dvorištima uskladištavaju lako zapaljiva materijale (drvo, ugalj, sijeno, slama, kukuruzovina i dr.) tako da se tu često dešavaju požari. U većem broju seoskih domaćinstava kao i u samom gradu u gospodarskim objektima mogu se još uvijek naći improvizirane električne instalacije koje su često kao takve uzročnici požara.

Obzirom da je područje naše općine pretežno ravničarsko područje sa oranicama, livadama, šumarcima, kao činjenicu da još uvijek imamo veliki dio neobrađenih i zapuštenih površina, učestala je pojava poljskih požara, posebno u ljetnim mjesecima ili pak u jesen i proljeće kada oni koji obrađuju zemlju paljenjem vrše čišćenje svojih posjeda, vrlo često bez osiguranih protupožarnih mjera.

Na području općine Odžak imamo 391hektar šuma u državnom vlasništvu i 1750 hektara u privatnom vlasništvu..

U brdskom području općine moguća je pojava požara na šumskim površinama uslijed visokih temperatura, paljenja strništa, korova i niskog raslinja, djelovanja piromana, zbog upaljene vatre koju ostavljaju izletnici i dr.

Na ovom području poslije rata odrađeni su prilazni vatrogasni putevi u Vrbovcu cca 2000 m, u Donjem Svilaju od groblja 3400 m i u Gornjem Svilaju do Lugarnice 850 m i protupožarni šumski put Kadar – Dančik (lovačka kuća⁹ u dužini od 837 m, u Posavskoj Mahali do šumskog kompleksa Potop 350 m i šumske traktorske vlake i na Kadru u dužini 900 m koji se povremeno održavaju i koji su prohodni na terenu.

Provođenjem preventivnih mjera zaštite od požara i eksplozija, gašenja požara, spašavanje ljudi i materijalnih dobara ugroženim požarom i eksplozijom, ostvarivanje i svih drugih

pitanja od značaja za funkcioniranja u ovoj oblasti ponajprije mora biti normativno i pravno regulirano.

III UČESNICI U ZAŠTITI

1. Dobrovoljno vatrogasno društvo Odžak DVD
Tajnik DVD-a – Matije Dujak tel: 063 821 776 (ili telefoni 031/761-065, 063/420-970, kao i besplatan poziv 123)
2. Uprava za šumarstvo ŽP
Direktor uprave za šumarstvo – Marko Matanović (063/360-430 i 031/763-115)
3. Općina Odžak
 - Općinski načelnik (031/762-101)
 - Općinski stožer civilne zaštite (031/762-101)
 - Služba za civilnu zaštitu i civilne poslove (031 761 016 lokal 113)
4. Policijska stanica Odžak (031/761-013, besplatan poziv 122)
5. Mjesne zajednice općine Odžak (brojevi telefona u prilogu br.2)
6. Županijska uprava civilne zaštite
Telefon: (031/714-535)
7. Drugi učesnici (učesnici koji nisu obuhvaćeni ovim planom).

IV MATERIJALNO – TEHNIČKA SREDSTVA

Materijalno – tehnička sredstva potrebna za gašenje požara su namjenska i priručna sredstva, vlasništvo učesnika u zadacima i mjerama zaštite od požara ili na osnovu prava raspolaganja tim sredstvima učesnika u zadacima.

Sredstva za gašenje mogu biti:

- Individualna oprema (lopata, sjekira, grablje, kosijer-kuka za sječenje i vučenje, protupožarna metlica - gumena ili metalna, motorna testera - motorka, leđna prskalica, naprtnjača, brentača - za donošenje vode i kanta);
- Grupna oprema (autocisterna sa pratećom opremom, vodene pumpe na motorni pogon sa pratećom opremom, traktori točkaši i gusjeničari opremljeni za rad u šumi);
- Zaštitna oprema (kapa, odjeća, naočale, rukavice, čizme, zaštitne maske, prva medicinska pomoć u slučaju povrede).

Individualnu i zaštitnu opremu treba pravovremeno nabaviti i uskladištiti na pogodna mjesta. Grupna oprema se popisuje u privrednim društvima koja je posjeduju i koristi po potrebi i po planiranom rasporedu.

Tabela materijalno – tehničkih sredstava dana je u prilogu br. 1 ovog Plana.

V NAČIN OPSKRBE VODOM

1. Uprava za šumarstvo ŽP osigurava rezerve vode za gašenje šumskih požara na adekvatan način i iz raspoloživih izvora na terenu.
2. DVD Odžak vrši punjenje vodom vatrogasnih vozila iz najbližih hidranata u ovisnosti od lokacije izbijanja požara. Alternativni način punjenja vodom vatrogasnih vozila su vodozahvati na rijeci Bosni, rijeci Savi te najbližim jezerima, barama, ribnjacima u ovisnosti od lokaciji izbijanja požara.

3. Mjesne zajednice ugrožene požarom koriste lokalne izvore vode i akumulacije koje se nalaze na njihovim lokalitetima.

VI SISTEM OBAVJEŠTAVANJA

Na temelju viših operativnih planova zaštite od požara, Uprava za šumarstvo ŽP i DVD Odžak organiziraju stalna i povremena dežurstva na prostoru općine Odžak na lokalitetima gdje postoji povišen stupanj rizika za izbijanje požara.

Kontakt osoba Uprave za šumarstvo ŽP je Marko Matanović tel: 063/360-430. Kontakt osoba DVD-a Odžak je Matije Dujak tel: 063/821-776.

Šumari na svojim rajonima vrše svakodnevno osmatranje i u slučaju pojave požara obavještavaju telefonom ili na druge načine svoga rukovodioca, Policijsku stanicu Odžak i DVD Odžak.

U vrijeme povećane opasnosti od šumskih i drugih požara kao i u vrijeme pojave većeg broja tih požara, povjerenici zaštite i spašavanja, stanovništvo, članovi vijeća mjesnih zajednica koji uoče pojavu šumskog ili drugog požara obavještavaju:

- **DVD Odžak (besplatan poziv 123 ili 031/761-065, 063/821-776, 063/420-970),**
- **Policijsku stanicu Odžak (besplatan poziv 122 ili 031/761-013),**
- **Službu za civilnu zaštitu i civilne poslove općine Odžak (031/761-016 lokal 113),**
- **Stožer CZ općine Odžak (031/762-101).** Obavještavanje se vrši pomoću telefona

(fiksna i mobilna mreža) ili na druge načine. U prilogu br. 2 ovog Plana dan je spisak MZ-a i njihovih predsjednika, koji su i povjerenici CZ, za koordinaciju veza u slučaju gašenja šumskog ili drugog požara.

VII ZADACI I MJERE ZAŠTITE

Učesnici u zaštiti od šumskih i drugih požara na otvorenom prostoru vrše preventivne i operativne mjere zaštite.

Preventivne mjere zaštite od požara vrše:

1. Uprava za šumarstvo ŽP:

- Primjena preventivnih bioloških mjera zaštite šuma od požara,
- Sačinjavanje protupožarne karte,
- Formiranje osmatračnica i vršenja osmatranja,
- Organizacija dojava o šumskim i drugim požarima,
- Održavanje šumskih puteva i prosjeka,
- Uspostavljanje šumskog reda,
- Postavljanje znakova upozorenja na opasnost od šumskog požara,
- Osiguravanje opreme i alata za gašenje šumskih požara,
- Usuglašavanje plana zaštite šuma od požara sa planom civilne zaštite i planom policijske stanice,
- Odgojno – obrazovni rad sa stanovništvom u zoni zbijanja šumskih i drugih požara u suradnji sa Službom civilne zaštite i DVD-om Odžak,
- Uvođenje dežurstva u području gdje je požar ugašen.

2. Služba za civilnu zaštitu i civilne poslove općine Odžak:
 - Informativno – propagandni i odgojno – obrazovni rad sa stanovništvom u zoni izbijanja šumskih i drugih požara u suradnji sa Upravom za šumarstvo ŽP i DVD-om Odžak,
 - Izrada i distribucija karte sa ucrtanim hidrantima, pristupnim putevima i lokalnim izvoristima vode za gašenje požara na otvorenom prostoru,
 - Organizacija jednodnevne obuke svih učesnika u provođenju mjera zaštite od požara,
 - Planiranje učešća stanovništva u gašenju šumskog i drugog požara u suradnji sa vijećima mjesnih zajednica,
 - Nabavka i popis mjesnih materijalno – tehničkih sredstava (MTS) za gašenje šumskih i drugih požara na otvorenom.

3. Vijeće mjesne zajednice:
 - Organiziranje planskog čišćenja poljoprivrednog zemljišta i paljenje korova,
 - Organiziranje učešća građana u pružanju pomoći vatrogascima i šumarima prilikom gašenja požara na otvorenom prostoru,
 - Uvođenje dežurstva na području gdje je požar ugašen.

4. Policijska stanica Odžak
 - Češće patroliranje na području ugroženom šumskim i drugim požarom u vrijeme povećane potencijalne opasnosti izbijanja požara (ljetno razdoblje),
 - Pojačan nadzor u provođenju mjera zaštite, pogotovo šuma, od požara,
 - Kontrola kretanja osoba u neposrednoj blizini šuma i drugih lokacija u vrijeme pojačane opasnosti od izbijanja šumskog i drugog požara.

Operativne mjere zaštite od šumskih i drugih požara vrše: Uprava za šumarstvo ŽP, DVD Odžak, Služba za civilnu zaštitu i civilne poslove općine Odžak, Općinski stožer civilne zaštite općine Odžak, Policijska stanica Odžak, mjesne zajednice i gospodarska društva.

Operativne mjere zaštite od šumskih i drugih požara dane su u točki VIII ovog Plana „Postupak u slučaju šumskog i drugog požara na otvorenom“.

Izvršitelji zadataka poduzimaju operativne mjere u slučaju požara na otvorenom prostoru postupno, u skladu sa vlastitim operativnim planovima i zakonom utvrđenim nadležnostima.

VIII POSTUPAK U SLUČAJU ŠUMSKOG I DRUGOG POŽARA NA OTVORENOM

1. Osmatrač Uprave za šumarstvo ŽP:
 - Obavještava o požaru svog rukovodioca,
 - Poziva DVD Odžak,
 - Organizira gašenje početnog požara priručnim sredstvima.
2. DVD Odžak:
 - Upućuje vatrogasnu ekipu na gašenje požara,
 - Po procjeni rukovodioca akcije gašenja požara poziva druge vatrogasne ekipe u pripravnosti,
 - Procjenjuje stupanj opasnosti i traži dodatne snage i sredstva od Uprave za šumarstvo ŽP, Službe za civilnu zaštitu i civilne poslove općine Odžak i općinskog Stožera civilne zaštite Odžak.

3. Uprava za šumarstvo ŽP:
 - Organizira upućivanje radnika uprave na gašenje šumskog požara,
 - Osigurava održavanje veze sa DVD-om Odžak, PS Odžak i Službom CZ Odžak,
 - Organizira gašenje šumskog požara,
4. Policijska stanica Odžak:
 - Poduzima mjere iz svoje nadležnosti u slučaju izbijanja požara.
5. Služba za civilnu zaštitu i civilne poslove općine Odžak:
 - Koordinira aktivnosti gašenja šumskog i drugog požara na otvorenom sa Upravom za šumarstvom ŽP, DVD Odžak i drugim sudionicima,
 - Predlaže općinskom načelniku aktiviranje stožera civilne zaštite za izvanredne situacije,
 - Koordinira sa Županijskom upravom civilne zaštite slanje drugih vatrogasnih jedinica,
 - Mobilizira snage i sredstva na temelju naređenja zapovjednika stožera CZ općine Odžak za vanredne situacije.
6. Vijeće mjesne zajednice:
 - Suraduje sa Službom civilne zaštite i upravom za šumarstvom ŽP u vezi mobilizacije stanovništva i sredstava potrebnog radi gašenja požara.
7. Stožer civilne zaštite općine Odžak:
 - Vršiti procjenu stupnja opasnosti i predlaže općinskom načelniku proglašavanje stanja elementarne nepogode,
 - Naređuje mobilizaciju stanovništva na gašenje u zoni požara,
 - Traži angažiranje drugih vatrogasnih jedinica susjednih općina uz pomoć županijske uprave civilne zaštite,
 - Određuje prioritete u slučaju istovremenog gašenja dva i više požara,
 - Organizira odmore, hranu i smjenu ljudstva angažiranog u gašenju požara,
 - Obavještava javnost o poduzetim mjerama.
8. Načelnik općine Odžak:
 - Proglašava stanje elementarne nepogode od šumskog i drugog požara i utvrđuje zadatke i rokove za suzbijanje, lokaliziranje i gašenje požara, zaštitu i spašavanje stanovništva, materijalno – tehničkih sredstava i drugih dobara od požara na otvorenom.

Broj: 01-02- 1394/21
Datum: 28. 4. 2021. godine

Općinska načelnica

Nada Čulap, dipl. oec..

TABELA MTS-A ZA GAŠENJE POŽARA

	INDIVIDUALNA OPREMA								GRUPNA OPREMA					ZAŠTITNA OPREMA					
	2	1	1	-	-	1	-	-	-	-	-	1 (terensko vozilo)	-	-	-	-	-	-	-
	4	1	-	1	8	-	10	2	2	-	4	-	-	6	6	-	1	6	-
	350	-	-	-	-	4	6	100	-	11	-	-	-	-	400	-	12000 jednokr atna upotreb a	-	-